

Wocɔn ná Ceewe

Ceeɲi wà u maha yîri u nàmbaabii kànhe na, na ŋkèege u shiinbii kànhe na, mà sà baɲi ta u à ɲî. Ka wocɔn si u jyiile maa u pyi u àha yi jwo sùpya á mɛ. U à shà ke, maa yi ŋwɔhɔ sùpyire puni na, fo u nàɲjiɲi kanni. Lir'à saɲcyɛɛn ta u ɲwɔh'i. Tèni i u à yi yyaha jwo nàɲjiɲi'á maa núru na ŋkèege u nàmbaabii kànhe na ke, ka saɲcyɛɛnni si mɛɛ le na ɲcêe na: «Pi pun'à mu yíbe mu jyiilinɲkanni na, ka mu u jwo wà bà mɛ. Ka mu nàɲjiɲi si mu yíbe, ka mu u jwo na wocɔn wi. Mii sí sà yi jwo wocɔn á.» Ka u u sùma wu l'á, maa ntòro na wa. L'à uru jò ke, maa núr'a yîr'a sà ntèen, maa mɛeni cêe. Pi à sà nɔ baɲi na ke, ka li i yi jwo wocɔnɲ'á, ka uru si ceeɲi kyà.